

四庫全書

集部

欽定四庫全書

集部

弇州四部稿卷十七

詳校官侍讀學士

臣陸伯煢

中書

臣

劉源溥覆勘

總校官原任中書

臣王燕緒

校對官檢討

臣盧應

謄錄監生

臣呂永安

欽定四庫全書

弇州四部稿卷十七

明 王世貞 撰

詩部

七言古體三十八首

觀李于鱗射歌

李侯手挽三石強左射右射勢莫當飲羽猶然動逸勁
白日迴接星飛芒綵旌亂馳鼓人震徐挿繁弱神揚揚

江南野夫不肯降氣挾岱嶽超扶桑乍騰手勢身亦轉
矢落不見東西颺道傍兒女相走笑比着束手無餘長
主人玉杯競前醉李侯頗欲誇其技自云昔者師劉燾
罷看詩書馳獵騎珊瑚僕姑千金裝戎錦韎韜五花隊
燾也逡巡獨前出指顧萬象俱辟易皎如宵月橫控弦
颯爾秋霜見鳴鏑衆看雲中一片白宛轉血墜摩空翼
猿猱呌號麋鹿竄袒跣手割分肩肋精能遠出都護右
猛志坐奪材官色風塵將相在一身往見主攬甘泉策

劉子慷慨欣握符李侯沉冥困執戟非但折節攻三餘
亦逐時人理簿書雄心隱隱見眉睫世事忽忽甘遽除
英雄善藏須莫識辱國之藝何欸歔我醉為歌平原下
青霾森森日色亞安得一箭萬里空野夫飽飯看君射

短歌自嘲

我不能六翮飛上天又不能摧眉折腰貴人前為郎五
載偃蹇不遷訊牘再過心茫然但曉月費司農錢移書
考功令願賜歸田考功笑謂汝猶鬚眉在人面留之何

益去不全西山山色青刺眼為我擁鼻賦一篇迺公調
笑亦常事有酒且逐東風顛

送盧生還吳

盧生善詩逸者流百結鸛鸛安足愁
輾然一笑別我去
春花落盡胡姬樓欲留不能意彌惻
衆中誰憐好顏色
短裘倘過邯鄲道青草已沒平原宅
吳趨小娃迎問郎
北遊滿地塵茫茫采菱深處唱一曲
豈若蘆笳能斷腸

刁斗篇

匈奴鐵騎動妖氛大漢金城上屬雲始隸西宮程衛尉
還從驃騎霍將軍將軍令嚴鼓聲急轅門夜寒刁斗發
浙瀝頻敲萬古霜淒清坐轉三更月剝剝啄啄如有情
丁丁鉤鉤咽復鳴初疑玉漏傳籌響忽憶銀砧搗練聲
六邊健兒好身手中夜聞之氣盈肘匹馬橫度祁連道
彎弓射得單于首絕塞唯言奏凱歌中原不復聽刁斗
城南少婦鬱金香織却流黃不下堂願得憑風試吹去
要知此聲能斷腸

題周翁畫雲槎圖贈張隱君

昔有博望侯鑿空訪河源歸謂中國人青天半崑崙黃
河捲地軸日夜東南奔何如海上槎逢此方外客飄然
犯銀漢白榆寒厯厯織女笑解裝橐中支磯石兩奇不相
遭萬古疑其神周翁貌此圖無乃為解紛嵯牙老龍浪
所斤一紀一貫秋空輪乘槎之客今姓張飄鬚渥丹雙
眼方燕頤不取黃金章泠泠腋風助徜徉白雲如繭天
茫茫衝波萬穎玉不定空青一點銜扶桑道逢扶桑君

挽之不肯住我欲馮虛叩廣寒高扃瑤宇無眠處褰裳
訪織女怪謂汝曹好傳天語令汝徘徊不得去倘過酒
星煩致聲人間尚有王先生天瓢沆瀣如未熟笙鶴何
年醉太清

落花歎

歎落花花落何飄零狂風如剪刀越羅綵繚不勝情蹀
躑灞陵陌潞洄御溝水落花欲有陳狂風殊未已歎落
花掩淚辭故枝枝枝同根蒂片片各分離只今蹤跡無

處所憶昨容華能幾時歌落
花莫咨嗟請說上苑千條
綺請說河陽萬樹霞七寶
儲胥金平脫九華步障玉
辟邪標題琬琰雙牌小承
日流蘇八字斜誰不暫緩
青絲絡誰不暫駐七香車
香車絲絡春相待弄態流
嬌宛如在只道朱顏日更
新那知轉盼恩仍改歌落
花君歌未闕攢我顰昭陽
嬋好漢侍者邯鄲廝養趙
才人空將今日今年舊難
擬來年來日新東鄰小娃
纔十五恰似芳苞未曾吐
已饒花落不關愁又道花
開為誰嫵還逢路

唱落花歌蕭颯寒烟掃翠蛾惆悵不堪臨鏡意自憐三
月夢中過

乙卯病後過生日獨酌至醉漫歌

東風吹酒星條忽辭青天自墮吳江湄一住三十年十
年抱案尚書前腰腹半已成杯捲歸來覽鏡忽大笑笑
汝低眉為俸錢忽逢蕭相營未央雖有月請歸朝堂酒
腸唧唧如欲訴且向文君乞鸛鸛陽昌鑪頭春酒香白
眼瞪視天茫茫杜曲梨花飛灞陵楊花落不愁花落無

處歸只恐長條坐蕭索以茲日作爛漫遊妻嘲女諫安
足酬汝曹骨肉偶相合世間萬事俱蜉蝣君不見王元
美昨者病欲死眼前七尺無奈何胸中萬卷長已矣只
今幸逐春陽蘇那不盡倒白玉壺當時倘便騎鯨去北
斗南箕未可沽

獨酌

懶癖如斗安吾胸應門有刺勿復通小婦行炙大婦酒
巖然不辭雙頰紅兒能跳地作虎子汝乃賦橡隨徂公

嗚呼得不笑若翁

坐有石季倫金谷圖事因與于鱗共賦新體一章
石家金谷鬪繁華春風占盡河陽花連雲錦帳五十里
壓角流蘇玉辟邪瑩蹄快犢夜光銜平頭小奴火浣衫
君王珊瑚敵不得七尺神柯產日南回巒別起清涼臺
綺楯交䟽面面開芙蕖千頃映朝日日炙風掀香氣來
楊柳低纖姹女支琵琶小按明君辭九齊芳塵驗履跡
舞罷珍珠第賞遲急管繁絃響清漢酒闌金鈿自凌亂

小婢收將處仲衣胡姬解拾安仁彈
翾風退房泣秋草綠珠轉眩青春好
回眸一盼光彩生八百蛾眉盡如掃
長安使者白鼻騮升堂左顧何矜誇
連枝分折秋霜手不入侯門映絳紗
何人白首咏同歸倏忽豪華事已非
唯有殘霞零落處至今猶是墜樓時

題松贈沈大夫郎中科父

沈大夫與汝遊兮泰山登天門日觀之高峯
其上有五千年松樛蟠挺屈撐虬龍鱗文剝蝕
自成理白日變態

濤洶洶胡為強顏秦哉封松根茯苓雪似脂山靈下閤
神不馳奇者或臂為嬰兒沈大夫烹食之肌髮鬢澤雙
瞳方下招松間鶴八極同遨翔君不見秋霜夜飛摧萬
卉香飄色墮俱泥滓七十二主猶眼前泰山五株青不
死大夫者何赤松子

送袁抑之給事監兵北伐

雙垂韎韐繡鷁鵠金羈馬頭雪花白秋星乍稀承明廬
慷慨遺策長安陌城社已見狐鼠空關山要令豺狼辟

今為頗牧出中禁豈但汲衛誇揖客飛書再看魯仲連
奏記不數崔亭伯匈奴祭馬秋欲動連峯蔽天朔塞赤
六郡材官三十萬一一翹關衽金革期門募士身若飛
屬國降番釐如磔此輩自昔稱英強見敵雖多慣跼蹐
時時大官出銀幣徃徃宿將甘巾幘嗚呼主上恩不薄
忍使驕敵猶充斥君行帥府青天高揮檄霜寒淨沙磧
安得一騎馳王庭為君預掃燕然石

結交行寄贈于鱗諸子

自從管鮑不復見天下黃金鬪膠漆往者吾過翟公門
其雀可羅樹蕭瑟時來肯怕貧賤譏勢去還將姓名失
吾儕此聚若有神驪珠熒熒夜光溢但憶論文碣石空
寧知鑿竅高天嫉即今偪側荒城畔殘月猶明夢迴室
饑鶩凍鷗慰相語丹鳳哀呼問其匹淮南萬木迎風愁
浮雲淡沲寒不收憑高四顧乏羽翼要使黃河西北流

淮陰侯廟歌

咸陽傾城葬祖龍嬪嬙掩泣千花紅十二金人銷不盡

揭竿斬木飄於風是時韓生業釣者其志固已無山東
轅門執戟重瞳子巴蜀為壇隆準公白帝雄圖久成滅
烏江獨馬非為功歸來故鄉高築宮黃金如山一日空
齊趙諸侯在指掌俛仰宇內無英雄三奪軍權再被縛
束手不待如發蒙廼知天授豈人力代相之約何匆匆
當時幸不烹蒯通嗚呼餘子焉足數往往鐵券埋膏斧
驪山刑客布乎王長安徹侯噲等伍微時猶營萬家墓
貴日翻慳一坏土尚令黃河羞漢帶日夜崩濤奪鉦鼓

乍可吾徒設辦香莫令兒輩陳牲醑
荒堦突兀見老檜
乾坤熒熒日漸吐五陵王氣橫
亘天亦復寂寞成今古

從軍篇

君不見匈奴遊獵犯邊疆
復從朝那入漁陽
孤軍慘淡秋看月
萬馬奔騰夜踏霜
促詔元戎屯細柳
還聞烽火接長楊
金符電發徵車騎
玉劔星移下窰皇
博士持和令守障
牧兒助費拜為郎
橫行盡選六郡士
轉餉俱齎百日程
六郡良家俠少年
從來結客不論錢
生將猿臂

能穿葉鑄得龍泉獨吐蓮去逐輕車馳騁裏還要劇孟
睹嬋娟雙層鐵鏢桃花甲三尺絨綠瑪瑙鞭自道青雲
能立上復誇黃石有真傳機頭少婦悲相向親黨臨岐
重惆悵太白三杯醉不辭涼州一曲歌偏壯海內常埋
甲冑塵人間自少公侯相新投主帥霍嫖姚長揖轅門
意氣饒別將晨驅玄菟塞奇兵多斷白狼橋行逢使者
曾書鴈捕着番兒慣射鵬疏勒西來通帝朔居延北望
絕天驕酖酥酒進闕氏捧夷樂傳教敕勒調燕然刻石

名居首漢殿頌恩世稀有已賜甲第高入雲更懸金印
大如斗功成莫傲機頭婦燈寒月沉君知否

送黎唯敬還南海因懷梁子

海內自與黎生左躡履竟入羅浮山羅浮璇房七十二
往往僊跡非人寰天門上達勾曲領石臼碓沫飛潺湲
濛濛晴雨淨峯色一一麻姑呈翠鬟近者余與二三子
被髮行歌燕市間黃金突兀差快意那得久駐塵沙顏
衆中聞生不相識余亦夷門抱闕卒倘過石室採黃精

其畔或有梁公實

松樓歌

東陽周先生今長洲君父也殆古所謂獨行隱
君子歟築樓松間因以自號王子聞而歌之

金華真人列僊丈叱石初成氣愈王自云神仙好樓居
結巢百尺松之上黯淡曾迴日月光屈蟠盡作虬龍狀
樓中之人鬢蕭騷岸幘獨卧青天高牕間數下千年鶴
障裡常飛六月濤不學秦封汙嶽觀欲同莊社混蓬蒿

松脂夜明茯苓白手持長鏡剮其側飽吸清泉九咽寒
更倚欄干嘯秋色

擣衣篇

驚烏撲速起空林鱗鱗雕輪過漸沉此時何處青樓女
此際無限塞垣心青樓小女字莫愁織得流黃錦並頭
記別狂夫辭故里昨傳書信在涼州機頭金剪三四轉
燈下玉筯一雙流熒熒青燈軋軋機還理狂夫篋中衣
宛轉涕淚新痕積約莫腰肢舊帶非杵影高低尚自雙

斃然賤妾伴空房
搗成白練渾如雪
愁得蛾眉已似霜
規月蒼黃低落鴈
商飈悉律和鳴塘
意怯腕弱夜還賒
誰能聞罷禁咨嗟
疑是梁州砧響絕
十年零落不思家

夢遊虞山拂水巖

虞山拂水巖勝聞
吳中往常熟令王君邀予遊
之時久旱泉涸使山僧別輟井
數斛從高下飄
起若沫忽已盡
竟不能待虞山雨而歸
八月予
北上度沛阻淺夜宿夢若從山左而上巖石萬

疊削立雲際，惝怳舊觀狀。益加勝俄雲，滃然彌
挂松表。甘雨如注，泉流淙淙。雨霽已東，南風大
作，逆吹泉數十丈。巨若貫珠，細若飄塵。撼拂捷
起，遠日乍照，晶潏玲瓏。四顧嵐彩，倏忽萬狀。顧
謂童子安所得酒乎？坐盤石，歌一章，響振林木。
尋醒語若在口，意象倏忽飄墮，渺茫追數舊遊。
並為夢境第其累遇，後當覓絕燒燭，命子墨客
卿為長篇記之，文不加點。

虞山近鄉國今隔二千里我攀元氣躡恍忽一夜飛度
大江水大江雲渺瀰為我送置虞山側千林鳥啼尚不
斷倏然已坐顛岩石下有陰壑流潺湲罡風倒吹飛滿
山恍若神人散天花噴流瑟瑟明秋霞中間一道或如
練上注銀河星斗斜洪濤洶洶豁谷豁訝擘拆老檜屈
蟠龍蛇鱗甲隱起糾紛拏濛陰黯淡不辨色西看茫茫
大江碧欲招李白天姥顛跋浪鯨魚竟難測誰輒清泉
洗余耳下視濁世俱浮螳長嘯歸來始自驚猶疑几席

嵐烟起往者王使君邀余上客華陽巾酒酣劍門峽手
弄茲山雲轉頭不見秋霏霏但餘香霧沾人衣昨來夢
境更奇絕試問莊生誰是非

寄贈李順德于鱗

昨秋送我薊門側天日黯作琉璃碧強以雄心揮別淚
俯視萬象俱堪擲千言昵昵未肯盡片語倉皇各深惜
高編長驅不斷風被髮悲歌向震澤道逢北使行相問
生其果厭承明席鉅鹿西馳七百里扶風秩中二千石

黃金橫帶歷下過里門高車排畫戟海內但不書生窮
大笑便出長安陌何能毫末見文章乍可沉淪就時格
貞也高陽一狂客英雄草莽成莫逆杯酒浮沉到處非
寸心炯炯留生識昔者擊鹿過徐卿匕首忽奮珊瑚驚
立談秋風搏鵬鶚縱飲滄海吞鯢鯨生獨嶷然攝神氣
太華千疊雲崢嶸須臾瞪目竒句發獨掃滿座無留行
更為擊筑變清羽起視河漢西北傾生騎羸馬出秋曙
一榻已下相予迎每尋知己必往古倘示新篇非世名

今予北來更牢落眼中徐卿漸有情拂裋低回望牛斗
掩耳刺促愁蠅聲勉旃與生各自愛胡為跼蹐多哀鳴
請看日月豈相比萬古不廢東西明

謝許殿卿寄中山酒歌

酒如金波臘不流誰其贈余許趙州鑪頭一傾千日醉
頓掃抑塞磊砢之窮愁且為莫脫青貂裘趙州生平未
相見英雄肝膽寧謀面古人不作今人稀醉語蒼黃鬪
誰健

人日同魏順甫過子與分韻棗字

薊門車塵白浩浩乍有餘青看荒草銀燈漸爛明月高
光輝徧逐行人好徐卿邀予中山醞稚子烹葵婦剥棗
箕踞高歌若有神魏生擊節為予道去歲茲日過何門
相逢總握靈蛇寶雖無蜀州零落態汝輩突兀峙穹昊
風濤微茫散倏忽海內今看誰自保往事俱從酒闌得
孤懷轉向清時抱嗚呼此語鬱未伸李守難呼謝榛老
送大司寇顧公還山歌

孝皇賓天五十載海內喁喁想顏色曾傳策士籲真才
往往覩接夔龍席嗚呼此意蒼茫竟誰答一老歸然時
南極日月長懸魏闕心波濤竟展渾池翼自從拂袖離
夫椒安石強折蒼生腰十年再壓銅柱磧兩都重肅金
天颺巍如大衡懸東序聳若喬木干層霄珊瑚欲枯滄
海釣雲母隔坐天門朝誰其青驄繡為袍望公崔嵬不
得驕片言出口捩眼鼻一䟽脫屣甘漁樵菰城社者劉
司空嘯作鼓吹驚鴻濛輕舟握手慰勞苦茗水盡發桃

花紅青山無言忽兩翁為公妻菲意良厚時有時才任
奔走陰森狐狸固城社潦落麟鳳沈郊藪不堪屈指孝
皇年試論更得如公否

長歌送徐子與

日予別諸君杖節淮南天羽聲浮雲立四座俱茫然掛
帆沛流歌大風調笑當時隆準公淮陰祠前雙眼白嘆
喟豎子非英雄怒濤西來厚坤圻突兀金焦峙拳石天
令片語破鴻濛枯葦豈得施顏色吾家菟裘近震澤桃

花欲飄不自惜故國鯨鯢恣吞噬長安馬蹄甘跼蹐平生之交李與徐徐卿自握靈蛇珠暢如金尊濯醺醑煜若鐵網擎珊瑚傍徨祇憂吾道絕偃蹇肯受時名趨建安七子總詞客開元八仙多酒徒只今齷齪吳子輩為汝跋扈開雄圖華陽碣石俱模糊短裘數付黃公鑪卿今揖予何為乎使旌不驚乾象改匕首忽逝秋虹孤君不見河之滸津人如雲棹人鼓前迎王生後迎汝桂枝叢叢蚌輝吐彩毫一飛真宰失迫脇江山傲千古

為吳舍人題匈奴出獵圖

誰為舍人畫此圖
高堂日落秋洶洶
細看乃是單于獵
白草黃雲骨俱悚
馬如遊龍戲溟渤
人即饑烏暗霜壑
無論衆馬姿態雄
飲齕雖異驕心同
嘶鳴欲追青海日
蹴踏亂起祁連風
魁結健兒鞭寒空
中間畫纛摩雙熊
一矢奔傳號令出
霹靂盡響烏號弓
蒼鷹脫鞬乍有神
撇捩羊角盤車輪
迥如流星漸不辨
白羽散墜飄紅塵
小奴拍馬呼聲頻
奪將頭鵝任衆嗔
臂鷹睨目逞絕叫

百鳥骨折顛高旻草中狐兔眠難穩盧鵲何甘讓秋隼
一線光銜尾初及千林越遍心逾緊豈無狡捷勝東郭
年命今衰氣力盡哀魄黯黯歸荒烟肩稍袒割太劇顛
纍聲小擊萬馬斂羣奴笑立穹廬前黃金屏比上功賞
妻子改色懼相延此時單于醉何有極目茫茫失飛走
鷗絃教上叱撥調酖酥列捧闕氏手天留大鹵任長驅
莫作欃槍犯南斗漢家天子獵甘泉頭白楊雄罷草玄
煩君好手圖王會為是呼韓欵塞年

千秋行再贈殿卿

許生少小青門客一日交遊滿東國
鵬鶚秋盤九塞雲
驂騑氣壓千羣色天矯長虹挂銀漢
浩蕩高風來碣石
是時厯下李攀龍往往道汝文章伯
貞也乾坤昧夙昔
飛書莽蒼神相識
薊門紅塵萬楊柳
五馬初停趙州守
酒徒零落聲華盡
且復低眉事奔走
乍看恐失許趙州
胡為刺促不能休
要知肝膽酒邊露
還是當年荆叟儔
清霜片片壓羽曲
北斗挿地河西流
有足肯躡朱門履

獨棹南天破盤水未容魑魅快時人尚有頭顱辨山鬼
攜手慷慨河梁篇丈夫微名安足憐眼前離合差挂意
此輩豈與千秋權

短歌行二章送江少卿冕之長沙

土伯九約嶷其角陸海崢嶸咨吞啄方壺之仙訴天帝
欲掃么麼還碧落霹靂衡驅白日變此輩精靈坐銷鑠
帝闕虎豹羞其羣仙人去逐三湘雲仰天大笑跨黃鶴
九辨清商如不聞

其二

憶昨天子明光宮
誰其英者字文通
黃金骨起駿馬色
白羽手却妖狐風
往日百身不相借
此時尺地難為容
洛陽少年漢廷客
一忤絳灌虛前席
宣室雖多問鬼神
願君莫忘長太息

孫思邈受龍宮方歌

白龍子混魚服
遨遊於江湖
焉為躑躅羅網間
力不能
任諸奴風雲變化
落人手
滄海萬里天
模糊何者一翁

素髮渥顏而飄鬚鮮衣贈龍子行放之洪濤噴沫八千
尺恍忽萬象同歡娛雙旌吸虹鼓鳴鼉蜃闕蛟窟長鯨
豕琉璃奪目龍所都老龍抱其子泣致辭誰為救爾答
言一翁素髮渥顏而颺鬚此翁肯吞太白精調鑄六氣
成昆吾區區報恩一寸膽老龍自與凡鱗殊河伯使者
飛朱符倏然翁來下霓車龍子色踊騰相趨雕盤八角
垂流蘇蟾蜍手捧明月珠海人金甌圻珊瑚瑰瑋錯落
不可名猜衆水辟易三光徘徊翁如不見此何為哉曾

聞秘方三千首帝遣玄冥毒龍守投誠贈翁不得辭么
麼失據雷霆吼大柄翻迴真宰前陰功肯落岐農後此
翁拂衣朝紫真龍亦鼓鬣嬉青旻乃知草昧未可忽雖
在泥塗或有神

放歌送王明佐

漢代梁伯鸞揮手出秦關五噫滿天地其人闐闐間千
秋王生亦如此北遊黯淡風塵裡海上珊瑚屬銀漢匣
裡蓮花鬱秋水傲骨長橫骭體寒雄心肯受泥塗死侯

門馬勃空見收燕市狗屠無不遊黃金自元國士館黑
貂且付胡姬樓天子方祠太乙神甘泉賦客爭前陳豈
無蜀人揚得意相如不救成都貧薊門駸駸雪花白臨
別殷勤繞朝策病夫竟逐車塵歸偃蹇衣冠失顏色掉
頭汝誇五嶽盟鞭扶萬象無留行眼前歲星人未識何
用區區變姓名

醉歌贈明卿

吳生吾為若楚歌若為吾楚舞吾歌若舞不易得窈窕

青冥下雷雨馮夷鼓怒萬靈奮真宰倉皇向誰主么麼
碣石溟海外黯淡齊州一坏土建安七子開元客其人
往往何足數昔賢躑躅襄陵轍今賢齷齪邯鄲武安得
神鰲斷足立四極燭龍銜光導玄府羲和鞭巨靈斧王
子借爾揮千古邢州太守朝天來日日相過問吾汝曰
大兒孔文舉小兒楊德祖嗚呼吳生勿輕吐

金吾行贈戴錦衣

金吾緹騎不可當迥若饑鶻搏大荒碧瓦雕甍戰峭岬

貂裘玉勒紛輝光但令奚雛剪頭至赤手卧奪黃金章
人間陸海天茫茫宣無英雄遂俛首戴子不肯誇身強
邀我坐我堂中牀葡萄暖發茵陳香羽聲春激白帝霜
五侯七貴他自足要令名姓登詞塲嗚呼戴子一洗金
吾色野人愧殺尚書郎

解嘲三章答明佐

長安酒旗紅刺日少年半死邯鄲瑟三月飛花何太疾
慶卿被髮悲且歌故人相遇不盡飲明日單車愁奈何

其二

鄉里小兒愛兒戲丈夫胡為亦如此頭顱四十可知矣
銅池池上南風微庾公無金但袖手何人贖取太真歸

其三

劉郎壁立無擔石少年場中逞顏色袒跣豪呼衆辟易
彭城有客亦携補乾坤一擲分臬盧區區百萬何為乎

戲題

落魄不休衰自驚學書學劍俱無成壺中有酒君且傾

男兒七尺何所用借汝一駐千秋名

其二

長安日落俱蒼然炎風大雪天無權醉來得語醒不傳
鄙夫五斗不敢厭與賊共著吳中田

其三

何來赭衣青犢車昨者玉帶黃金魚先生此時卧讀書
閨中小婦不解事問爾刺促終何如

明月篇

仲默歌行明月為勝同時王子衡為之錯雜不
馴無復致語余乃以間次焉不敢他援輿僻以
風人之義固耳其論則畧備仲默引中

長安月團團薄太清初見扶光浴東海俄看垂象滿西
京東海一輪承日起西京萬戶迴光裏葉葉墜雲衣溶
溶飄露葢露葢雲衣濕奈何三衢九陌勝偏多鵲鵲觀
頭銀作棟鳳皇池內玉為波誰家冶女能閒坐若箇遊
人不嘯歌此時漢帝發長揚白馬鳴珂返建章羣鳥爭

宿玫瑰樹雙燕元棲玳瑁梁甲帳全鋪雲母潤湘牀欲
透水晶涼亭亭綽約還旖旎宛宛參差更頡頏小解羅
襦交菡萏回看碧瓦甍鴛鴦別有愁規永巷中輕寒如
水浸房櫳歲華盡溢朱門鎖颼瑟偏歸玉井桐陳后黃
金買夜色班姬紈扇篋秋風千年拜嬪長生藥百鍊秦
王照膽銅搗兔分輝渾不羨棲鸞顧影半成空分輝顧
影愁無已天上人間略堪擬先驅蹀躞富平家後引鞦
韆冠軍里琥珀千鍾寫不寒珊瑚七尺看逾紫吹簫弄

玉醉樓頭奪篴秦宮卧花底為道難忘復易知結願同
生便同死東家羈婦望刀環西隣棄妾守釵鈿織成霞
綺愁難寫搗盡霜砧響不傳熠燿熹微時自沒絡緯刺
促解相煎明添密障銀燈恨暗促芳機玉筋懸玉筋銀
燈耿沾臆龍城一去無消息軍前刁斗鬱邊聲匣裡笑
蓉煉玄魄片片精光應太陰聲聲淒調中無射候滿俱
驚似璧圓臨流忽映如絲白托夢還鄉未有期馳輝見
君渾不得初二三夕展蛾眉四五明蟾已蔽虧君聽樂

府關山月只向征人唱別離

弇州四部稿卷十七

欽定四庫全書

弇州四部稿卷十八

明 王世貞 撰

詩部

七言古體四十四首

與高大夫遊盤山歌

高侯挾我遊盤山下盤已見凌大荒一峯長懸遼海色
千澗暗發松花香寒流觸磴挂玉乳老檜破石垂青棠

虎豹盤挐鬪屈強虬龍甲鬣森開張芒鞋屐躡元氣度
竹塹欲借春雲裝行窮杳靄徑將絕忽有鐘聲來上方
排空獨創舍利塔鑿壁更築支公房我疲足力欲就枕
高侯賈勇不可當俯看羣山一培塿榆關鐵嶺橫蒼茫
建牙吹角浩無際飛芻轉餉遙相望天門絕頂僅咫尺
安得送侯北斗傍坐揮如意奪敵膽萬馬不敢驕秋霜
野夫飽弄茲山色何似日作尚書郎

戲題

君不見道傍石太古留一拳自從陵陽過之泣千椎萬
琢不得全野夫有語且自保肯受齷齪時人傳

其二

君不見道傍柳昨者黃金絲今日蕭條禿於帚人間毀
譽風雨來萬事莫落書生口

懷柔六槐歌

懷柔署中六槐樹小者百尺凌穹蒼五如五嶽峙大荒
一若小室嵩之陽行天白日不能下呼雨闌風勢莫當

金錢萬緡奪春色珠璣千斛搏秋霜饑鳥怪鴟啼不歇
亦許狐兔穿其傍根蟠老大托后土區區斧斤寧見傷
東家梧桐僅人立青皮剝落神摧藏雖有鳳凰不肯顧
安得送汝叅天長

端午日觀騎士校藝懷來歌

五月五日千花晴懷來川頭組練明乘驄使者出行營
張侯手撫諸干城翺翻小帶垂金鈴馬耳削立聽軍聲
彎弓技似無甘蠅滿若織阿霹靂鳴尾銜飛鏑雙流星

錦毬揉裂紛紫纓，瞥然鵠起凌空冥。
董生劒舞技何精，雪山怒壓霜濤崩。
須臾突騎鼓不停，降番蝟鬣殊爭撐。
決驟擬肉中原兵，何來一校馳相迎。
恍如雲中白角鷹，爪距格格推秋翎。
欄腰師比七尺輕，敗馬跼蹐不能行。
擲來猊雛萬衆驚，問之乃是前輩生。
黃金鑿落珊瑚傾，野夫鯨吸乾滄溟。
酒間慷慨涕淚零，漠南咫尺皆王庭。
狼牙大纛天縱橫，嗚呼汝曹慎莫矜。

亞泉行吳仲子索也

誰罅五色石下注崑崙丘泓然萬頃玻璃秋圻為兩派
江河流再畫中原膏九州蒸雲喻日元氣浮初分一線
蓮花邊要種白壁澆藍田但看錯落瓊珠圓往往上接
滄浪天君不見康王谷頭吐勺水敢道人間第一泉

夜入保定公署秋隘風雨橫來戲成一首

樊輿城中數椽木蔓藟驕生妬人足使者何妨入狗門
諸君豈解驚牛屋此時天公太有權行風逐雨相扶顛
遙聞柏府沈深甚不分啼鳥竟夕眠

余定州飛白歌

吾家子敬不再得千載能飛詎能白天公縮入余生手
獨洗殘碑悟神蹟三尺生綃寫相贈草堂頓爾生顏色
矯如溟壑盤虬龍迅如鵬鷃擊大空細如游絲颺白日
澹如遠漢垂晴虹黃河九道折天倒滌洄沸澗爭相雄
野夫平生好塗抹小巫氣索難為工嗚呼吾欲遊五嶽
挾君題名遍寥廓六丁斂手那得妬好與匡廬鬪飛瀑

戲宗吏部買妾

江東小婦春十五珊瑚熒熒海光嫵千載唐昌奪顏色
帝遣瓊枝待君吐鴉頭步襪生蓮金胭脂銷紅玉筋侵
半夜鷄聲挽歡起畏聽旁帳白頭吟

秋日過于鱗郡齋分賦十二體得俱字

使君匹馬萬里途東觀碣石滄瀛枯朔風吹寒金僕姑
道逢俠客胡虬鬚千金買宴爭擣菹為他一擲狼居胥
低眉急轂趨天都道傍輕薄多揶揄使君大笑青雲徂
中山酒薄不肯沽下馬突入邢州厨皎然文君坐當壚

問我不醉何為乎把舞如意驚珊瑚古人往矣不可呼
今人醒醒非吾徒與爾頰仰天糝糊安得化影長相俱
鞭雙飛龍竟八區

是何行贈徐汝思參議

是何健兒來叩門令我衣裳欲顛倒金華徐卿乍相見
落日金緋照枯槁老騶為傾厨頭醞醉夫手剥盤中棗
入眼黃花巧相媚促膝青燈寒更好未將華髮論夙昔
更出新詩見懷抱自爾高歌蜀道篇八數秋霜變原草

山東李生大卓犖晚得宗吳亦不惡邇來太華失帝意
下遣巨靈斧其角冠山神鰲顛簸蕩鬣風長鯨怒噴礮
燕中貴人若反掌江南佳麗同飛藿即使喬松亦摧挫
豈唯桃杏能索莫問我詩名如許細黯淡逢人尚深削
長安九衢春自陰尺地盡化為黃金縱有文章挂北斗
其人往往皆陸沈腰間轆轤雙玉鞘十日不出芙蓉深
臨岐慷慨解相贈報爾悠悠千古心

龍伯篇贈徐子與守汀州

我馳輶車去京國君擁樓船下震澤風塵片語成古今
星斗垂天各南北雲扶恒頂大陸青海擘鯨鬚九江黑
貴人刺促虛見讐處處江山真宰愁華陽洞中按謫籍
此曹落魄未可收不然簿牘紛相糝混沌少足延春秋
我今蹭蹬之青州君亦五馬東南遊五馬翩翩五赤龍
玉華天開玉芙蓉汀溪溪發桃花紅落花徐飛訟庭空
訟庭往往烟霞色案頭一峯青欲滴醉後頻呼白接離
興來且着臨川屐莫論名世五百年例是詞人二千石

飛章報君還自言道傍青綬何便便男兒身在無不可
即使折腰那足憐君不見龍伯灼鰲鰲極轉帝罰龍伯
令之短猶能蟻觀塵世人仰摘匏瓜未為晚

游俠篇

側坐聲眉騶雙牽短尾刁豪鷹逐呼來萬里天風驕平
蕪如烟楊柳綠新豐酒美兔肩熟白日銜山不肯歸醉
擁胡姬野中宿歸來唾謂文成侯汝曹爨下不自羞斗
大黃金何足問獨身西斷郅支頭

其二

碧眼崑崙奴腰間雙明月杯酒然諾間寸心縱橫發三尺吳鉤七尺身為君一擲同秋塵白虹射日日無色咸陽道血波濺人君不見平津邸車門戟士夜如蟻乾坤不平從此始曷不一洗報天子軹深里人安足擬

壺公篇

昔有汝南白頭翁手提玉壺稱壺公壺中美酒十萬斛桃花樹樹驕春風長房小兒錯狡獪三試不過同沙蟲

我今但入不肯出一醉天地無終窮

放歌贈子相考功出叅閩省

自從上帝與富媪不相得展鰲一足摧一極黃河瀟瀟
向西北赤水妖株掃奎壁天下文章奪顏色君不見厯
下生爾時脫屣辭承明道傍黃綬不肯跪刺史刺促慚
顏頰吳郎楚狂人鳳歌往往嘲公卿朝來襜被門下省
交游頃刻藏其名丈夫得失為龍蛇精靈變化空咨嗟
君不見王世貞其人口吻俱烟霞令袴鐵襪襠守東海

探丸殺吏紛如麻，綠沈槍頭雪生花。腰間有骨不自保，
屈曲脂韋竟誰道。欲詣扶桑數紅日，可向中原照顛倒。
數子豈不甘沉淪，長安城中一宗臣。酒酣擊筑氣益振，
高歌四座空無人。恍如玉山映秋旻，句成不知有鬼神。
翩然黃鵠離天津，要驅螭石繡七閩。霓為車，風為馬，張
石帆，槌河鼓，叱來武夷君。余與汝細數崇峯三十六，一
一峯尖鳳凰，舞只今。西太華，東岱宗，兩山壁立峙太古。
不知南天竟何力，誰撐柱。乃今知有武夷之顛高巉崑。

使君為益千仞巖不憂獄神上相讒世貞昔東遷宗也
遺之寶劔篇試彈蒯緱歌歌曲未竟風冷然玄商起眦
眦盡裂回光滔蕩難識察遂令人間三尺鐵夜夜星辰
莽回列我欲還君劔報君詩恐君試過延津道化作雙
龍來雨飛

民兵行

竹皮之冠雙鷗尾繡箴雕欄挿弧矢匣中潏潏三尺水
馬蹄縱橫雪花起鯨波如山蕩南紀壯士肯作尋常死

使君捫腹千卷書那能血搗黃金魚去時拜跪何足道
回時使君應不如

為俞使君賦紫雲裘

誰割五朵雲裁為使君裘使君自是補天手天孫奪巧
霓裳愁憶初裘敝西出秦棄繻頗畏關頭嗔蒼皇五穀
未稱意蹉跎一綈愁故人風塵變化在反掌雙熊却抱
殷朱輪誰言漢家貂不足翠羽明璫挿晴陸九重忽念
東征寒遠巡捧自黃金屋玄菟雪花大於席千嶂迴颼

咽哀角老上窮廬匿河渚蘇卿旄節凋沙漠芙蓉秀澁
鐵如意葡萄畫水銀鑿落使君披裘出按塞恍若青陽
照幽朔珠羈玉控汗血肥錦韉絡臂腰師比降人偶立
聽指揮三軍頓其溫挾纊天子不廢高垂衣只今平明
登紫微如花笑擁如雲歸酌君酒為君壽周家翠鳳竟
何在孟嘗狐白那能守我有羊皮差勝君桐江已落垂
綸叟

醉後信口便成九韻

王生勸汝一杯酒自古英雄落人手冠星飯露竟何限
馬足車輪為誰久昨者磬折少年前顧影俄然見老醜
枵腹晨昏不得謝歸來倉皇詈其婦新詩賦就揜關讀
風雷為我排晴晝千秋受驅萬象役曹劉失魄揚馬走
但使古人百不欺笑任雌黃世間口吳江蓴鱸鮮秋熟
七尺尚屬王生有

李于鱗罷官歌

人間奇事竟何限李生掉頭西出關金魚紫衫擲中道

曳耒長耕厯下山巨靈高掌撫不住玉女喻藝愁雲鬢
以東嶽海奮生色星河錯落雄其間雕鏤萬象抉元氣
從此天公不得閒詞場鴈行忝王李悵望逸翮胡由攀
燕京冠蓋但峨嶷狂夫往事猶能說酒歌哀絃下風雨
劍舞急調排虹霓謝榛十詩九不道布衣吾儕甘折節
鳳凰池頭失傲吏餘子散作中原別已許骭髀驕青雲
復將飄零鬬白雪雖其遠遊足暢意五斗往往推余舌
嗚呼李生太奇絕贈生兩丸弄千秋騎一黃鵠覽九州

君不見古來豪傑多自量屈宋焉敢兼巢由

大雨行

祝融朱鞭騎赤兕礫石蒸波汗欲死誰令屏翳走天末
咎雙驕龍立海水鰲轉翻平大陸顛槎迴倒見銀河底
先生此時映簾坐絺衣悉窅涼颺起新篴嘈嘈泣相語
先生鯨吸從此始甑中湖目將破顏道傍禾頭漸生耳
先生起為屏翳約三日一來來即止布穀罷唱催登場
莫遣耕夫怨秋耒

放歌答張助甫吏部

宗生自出尚書省嵇氏罷草絕交篇長安項領勝培塿
使君腰腹為杯棬青州之城如斗大縱有微言誰為宣
烏聲啞啞詈鸞鵲謂爾枳棘不足憐衣裳五色亦楚楚
吉凶豈與人間權武昌不差官長跪厯下但守妻兒眠
此物居然在吾世遇之不得空茫然何來青鳥銜一札
似是穀城黃石編虹電繚繞出其表風雨却過龍蛇顛
不道加飧長相憶但道上下三千年項從宗生隲王子

謂起腐令兼青蓮斯言太重吾豈敢後生頗畏前人賢
君携琅玕坐斗柄九關虎豹愁眊眊世途反覆日千變
不信但看滄浪天丈夫故有青雲手慎勿苦語衆今傳
還君此札一大笑野人早莫南山田

讀胡侍鴻臚詩有感因遺其從子邑博叔才

十年但耳胡鴻臚鴻臚之墓三草枯世人自失鳳凰羽
此日滿把驪龍珠雖於風雅未縣合往往時材骨格殊
辭官著書欲何作書成不換囊青蚨牀頭一綈酒家共

甌中半菽時有無齊名關西者誰子肯放白雪驕巴飲
中丞冠我鐵獬豸遼陽馬被貂襜褕胡家豈無雙玉樹
或摧秋霰今窮途嗚呼胡生慎莫學汝伯汝伯文章老
成癖不見山雞敢鳳鳴且向人間鬪毛色封侯拜相在
一言枉殺書生萬言策

醉後信口勸客飲

今日為客挂却頭上豸解我腰間魚簪纓縲紲不足道
形骸土木終何如少年彈碁六博兼擣捕一一將置前

庭除與客遞起為歡娛東流之水西上艫世人自賢吾
自愚客不見洛陽蘇生惡少年開口造化俱無權橫六
黃金五車裂總為城南二頃田客不見魏齊聲勢同山
丘廁中死人斷君頭黥徒馬食相堂下當時溺者秦應
侯人生反覆難預期精靈一別千憂隨請看草木有榮
悴榮者何恩怨者誰丈夫不能齷齪權門取榮貴驅遣
七尺供妻子又不能仰面看屋梁萬歲千秋亦如此濁
涇清渭何能理先生一言客記取拍浮酒船吾足矣

走筆惱徐汀州入計

爾時邢州侯伏謁上帝前稱友四五臣各自操其權清
狂在膏肓一切不受痊朝擁紅鸛鵲夕挂酒壚邊北斗
神漿竭南斗為相延大呼陽春倡忽惱天公眠擿令巨
鰲走漂淪衆神僊獄分太古色海吐齊州烟君今五馬
去亦自稱朝天回首閭闔空其臣誰復然乃知宇宙能
作態風雨一度三十年

于鱗遺苦酒瓜醬夜醉放歌戲用為報

朝對雲門雪隱如兩玉山時無一杯飲何以俱頽然平
頭大奴尺一書戟之不得中庭趨青絲提繩白玉壺鬱
金香奪銀甃酥沉瓜片片芍藥醬壓來纖甲痕珊瑚削
瓜進酒哈不止謂我卒當以樂死雪花為茵不肯寒夜
半歌聲劒波起蘭缸乳乳漏丁丁罷舞起看頭上星南
有匏瓜北有斗碧霞之脯天公酒虛名誤人竟何有安
期生閉女口瓜出蔡姬酒李侯八千年來汝得否

慰明卿再謫長短歌二章和李于鱗

明堂堂成不見帝十二牧伯朝逡巡丞相肩輿入內殿
搯筆一掃三千人王生束裝視黜籍乃見武昌吳國倫
無官可謫左已久有地足徙恩仍新甘泉諸貴氣成雲
吳也亦是甘泉臣小臣無狀業萬死尚許短檄隨風塵
長沙坐中止鵬鳥魯東門外悲麒麟何方魑魅不撫掌
何處猿猱不鼓脣李侯杜門十月矣嗒女再黜奚其陳
此時尺一馳南康府主擲揄目吳郎卷衣大笑出府舍
一舸乘風上武昌匡廬五老宛相揖長江九派流飛觴

歸來蕭條四壁立大婦詈罵小婦傷女等徒稱絃金石
豈無宗徐李與王時從處士誇鸚鵡可掬文君典鸛鵒
何物故人能見負却令妻子徇文章啼寒泣饑苦未已
東馳西竄窮避荒蕪中炊米若炊玉公田種秫不種杭
貢家車馬誰與買季子貂裘胡計藏解道人間富官職
女豈不念頭上霜吳郎欲答答不得王生請為歌夙昔
日者歲之丙辰前五星猶聞在奎壁片語高呼白雪飛
寸心肯讓青雲色吾宗少年強解事吳郎目攝遺其舄

豈唯吳郎衆辟易但語吾曹少堅敵司空搥鼓盡裸袒
武安行酒半膝席小兒僅呼楊德祖一錢可擬程不識
倘聞曹中理公事君其且看西山碧故知萬變同翻手
風雨青天晝能吼遺鳥少年坐上坐誰哉捧案前奔走
世人榮辱強相制吾輩行藏終自取妻子寧須饒遠略
且用七尺餌其口即使女官更削盡豫章男子得活不
女乏江陵千樹橘來共吳門千畦韭耕盡要離墓上雲
洗眼看他竟何有

其二

嗚呼吳郎似不欲女人間住畢竟何方可容女造物由
來有深意丈夫未必終窮苦屈家老翁錯解事強作區
區不平語迷魂大招招不得魑魍對啼江上雨魚腹脂
消骨何在海內文章竟歸楚湘山九疑江九派天地為
之尚吞吐回首當時一子蘭漸流草沒施荒烟英雄七
尺本有托斷不俯受凡人憐吳郎未買南山田拂衣且
登五嶽顛倘有韓衆授丹訣入口白日昇青天不然來

訪王與李片語共作三千年男兒死則有死耳安能再
辱咸陽之道邊噫嘻勸君歸去者誰子其人折腰車馬
前

送陳副使罷官還蜀

陳侯不願二千石西望三巴鬢為白臺中解綬欲生還
御史下堂相苦迫薦書空自滿承明紫馬翩然辭帝京
河東股肱任爾毀山人腰骨今殊輕却過九折迴車地
大笑當時叱馭生為問君恩竟多少無煩令伯陳情表

郢筒酒底東風寬
卽竹杖頭明月小
更羨春鷄問寢歸
支頤坐對峨眉曉

過張吏部留題

君家屏風五尺雪
上有顛鬟跡盤鬱
塵尾蠟蛸半壁垂
胡牀以外無長物
使君酒聖誰當敵
新豐釀奪梨花色
飲酣不識袁彥道
布帽已染吳興墨
金壺丁丁水欲盡
臨行擲杯意難忍
安能三日不相過
令我真成輕薄尹
歌送董僉事之大同

盤雕錦袍鐵驕驄繡旗雙颭桃花紅董家南塘聊一出
萬舸不敢來春風健兒百戰髓力盡天子高卧咸陽宮
撫髀之對何匆匆誰奪我公向雲中南粵王頭闕下矣
六羸北首穹廬空代人巷賀吳人哭安得分身來救儂
劍歌大白須滿飲天下健者唯董公嗚呼天下健者唯
董公

即事有感寄故張職方

燕中冰雪正磊砢行人馬頭日駸駸別駕那辭廣柳車

中丞且進琅璫鎖牙旗甲帳少輝光
玉筋紅顏泣數行
如澠酒在不得醉悔不潦倒尚書郎

夜過前中丞程廷獻飲醉作

翟公之門雀可羅五馬馬用長經過
丈夫意氣偶相許
不惜葡萄千石多君家食單况無敵
蒸餅能為十字圻
鳬鴈金縷壓鵝黃
蟬擘霜螯勝熊白
洛城可數飲乳豚
安定虛傳噎鳩麥
問君行年七十強
紅顏綠鬢雙瞳方
手談意彊盡奇品
高歌激塵飛遶梁
一杯一曲殊未已

殘月千門夜如水欲別無勞問姓名其人高陽酒徒耳

即事書懷二章

四十不足三十餘如何輒擁連城居以茲但飲溜流水
不敢時通政府書旦暮移文如濕束東西手板同驅逐
何武公然欲露章山濤久矣忘除目寧使鮫龍困蝼蟻
豈容燕雀知鴻鵠任他牙爪日紛紛難向青山攬白雲
我自安排容足處裁詩先屬太茅君

其二

十年對客歸去來往往坐被商山吟使君嘆惜不自了
知我者誰御史哉吳中風土殊不惡封田雖微給衣藥
那能請急淹歲時便可逃榮老丘壑驃騎終輸第五名
僕射難勝酒杯樂躬耕手釣驕未能學書學劍慵無成
唯應侍膳春朝後飽看雲霞弄太清

翁中丞南巡歌

自公之昔除煩苛規調如山芻粟多居人漸徙虎豹穴
大海欲戢鯨鯢波片言齟齬輒投効安石不出蒼生何

歸來束書四壁立豈有蠟屐雙青蛾若耶若鏡不足釣
抱膝時時聞嘯歌夷德雖輕猶未厭以茲頗晚山公薦
西汎三江奏春雪南馳五嶺開炎霰漢筴恒餘圯上編
齊書尚鬱聊成箭今年五月天山定聖主推輪飛六傳
中丞獬廬鐵作冠宣室麒麟玉為殿輕裘緩帶來東吳
妖氛却掃旄頭孤星辰莽動鐵如意風雨長鳴金僕姑
拊循三軍挾貉纘惕息諸將昂虬鬚餘皇萬艘颶驅葉
組練千重霜剪蕪南越王頭挂大白馬蹄撲簌累夷俘

兒童拋棄竹馬拜父老不用藜杖扶我公五載猶一夕
鬢髮全無半莖白冠帽誰借留河內李晟天生為社稷
露章日夜走長安竹宮祠釐動顏色御史趣刻螭螭印
丞相且畫交龍敕若若雙垂綬青紫萬戶侯兼二千石
牙璋不動画戟橫朱幡映奪滄浪清此時王生一游客
步入轅門人盡驚願為十日布衣飲客星倒據三台明
何人可當虛左席捫腹無踰於此生孟堅好推勒石頌
仲宣愧殺從軍行公猶未發我未去丈夫有志事竟成

大鵬尺鷃各有適不廢萬古俱垂名

歌贈邢先輩

邢郎眼如紫石稜自云昔者師神僧胡牀踞坐鐵如意
一一空青指玉繩紫微坐中金不收熒惑莽動心為愁
天公曠曠雙眼合天上星辰俱倒流安得叱長虹化銀
橋與君上鰲取瑤波灌白榆業風千歲無排蕩歸來北
斗挹神漿更有匏瓜可摘嘗莫槌河鼓驚閭闔只向機
頭請七襄

荆玉篇

君不見道傍石精光自繚繞夜夜天中屬白虹時時海上來丹鳥卞生持抱入昭關願學虞廷一獻環沂水未應輸若水崑山不敢傲荆山祝宗虛聞誇祭飾太史那能上占式未必君廷俱宋相其奈工師有周客回首羣靈盡黯然龍文欲吐咽蒼烟璫碣首列烏緋儿對此云何不可憐智矣如葵能衛足問君泣足還泣玉竊比東門獨角磨寧言使者空籠鵠君王三聽未為勞好向昆

吾問寶刀煜煜陽烏升碧漢亭亭魄兔浴銀濤捧出傾
城動顏色隋珠越鏤咸辟易共道應償十五城何須更
愛二千石膝行向前中自傷野人焉敢食陵陽唯憑寄
語樂正子三月胡為不下堂

樂府謂玉人
者樂正子也

題十八學士春宴圖

梁園碧筠瀟湘玉小山叢枝綴金粟天公驅龍耨秦土
移入秦王天策府虬髯主人馬上客手摑中原血華赤
芸氛霏霏講初罷獅子驄頭散鞭咭軟羅半臂春風偏

十八溪駒嘶紫烟玉酥宮痕纖月甲銀甕戈書小黃押
大槽亂拍真珠流葡萄就煖沈香蚪琵琶掩瑰鷄雞促
聲聲破陣秦王曲義輪半春啟明曜萊公起舞密公笑
就中小薛醉隗俄龍門老師奈若何太子宮前演雞戟
銅馬時時嚙荊棘諸君詰朝且虛左雋州流人來上坐
承大司馬濮陽蘇公惠覽詩集率爾有酬

青門耕烟一老臣黃石赤松先後身天書姓名隸琬琰
何足道哉漢麒麟自譜游僊度紅玉鳳笙雲璈宛相屬

猶有軍中突厥鹽污他半部清商曲

其二

蘇家五言李少卿半割漢語歸王庭昨婦祁連併收得
奚珠錯落珊瑚明焉支山頭湛盧紫仰劃天河赤瑠水
寫作人間龍鳳鳴一洗千秋濮中耳

悵悵行聞吳明卿至遺之

憶昔彈冠事明主奕奕軒車走環堵雄白那能守一身
雌黃直是論千古當時意氣迫堪憐家難飄零燕市邊

乞食監河無羨粟，橐深室不論錢。驃騎沉沉似九閭，
低頭搶地欲銷魂。生男未免倉公辱，失勢方知獄吏尊。
吞聲餘息還如死，削迹何人是知己。挂劍空餘落日心，
援琴幾廢高山指。生平國士定誰如，消息經年恨有餘。
千回杜曲杯前夢，一字衡陽鴈外書。野夫昨夜驚耳熱，
聞有金明雨中轍。青鏡嬋娟欲奮飛，掩淚沉吟更愁絕。
吳明卿以再調至京，值余方事家難，不數數見也。
于其行聊以擬古歌二章贈之。南冠楚音相對獻。


歎無復易水慷慨之致繇才氣都盡耳

薰風如飴晝履霜之子何役向河梁哀鴻摧弦離披翔
有似游子不獲寧往邁千緒結中腸欲言未言以彷徨
浮雲跼蹐鑒我傷誰言無情不見明連城如山拉然崩
穿墉嘯莽伏豺狼鬼車旦鳴猖猖狂嗟嗟獨留殢高堂
黃河濁流限清湘子今胡為厭故疆

其二

浮雲淡淡日就淪請室漫漫何時晨我欲偕子眇無因

美人如花玉為顏妙舞黃鵠體僂僂何以當笑黃金千
衆女謠詠令親踈失身為君君不愉空房迢迢清夜徂
東鄰棄娃仲卿妻生少不諧常獨棲蘭摧壁隕委塗泥
蘭摧壁隕寧再全君恩雖逝猶當還為君抵節歌盤桓
棧馬當芻意流連仰看北斗正闌干跡往虞來傷肺肝



弇州四部稿卷十八

欽定四庫全書

集部

弇州四部稿卷十九

詳校官侍讀學士_臣陸伯焜

中書_臣劉源溥覆勘

總校官原任中允_臣王燕緒

校對官檢討_臣盧應

謄錄監生_臣閔思紀

欽定四庫全書

弇州四部稿卷十九

明 王世貞 撰

詩部

七言古體五十四首

罷官雜言則鮑明遠體十章

肅肅南山松本不畏雪霜東家牛羊西家斧剥琢憔悴
令人傷丈夫四十彊乃仕我今三十四還鄉非因倦游

戀丘壑直是家難謝冠裳鄰里老翁恠我紅顏未凋歇
前勸葡萄美酒玻璃觴再拜謝老翁我今有酒不敢嘗
胸中珠璣十二斛斛斛千黃金欲吐復摧藏留照男兒
一寸心豐城寶劍如得出改作鏃刈向長林

其二

梁王太傅三十三日夜掩泣向重原我今幸加一日長
罷官歸去復何言南山谷頭一種蘭獲免剪刈愁霜寒
折置懷袖中雖云枯槁香未殘千秋意氣盡今日別有

長技出人端請看樊鄴絳灌竟誰在曲肱蔬食不足歎

其三

東家請急歸驪駒玉勒多光輝西家乞骸還秋風盡買
南山田我今遘家難倉皇荷恩休囊中俸錢支取盡明
年要典鷓鴣裘男兒有身饑亦可恨不飽殺安昌侯

其四

昔時騎羊總角兒三三兩兩誦書詩顏衰髮禿不稱意
猶挾殘編乞有司人生欲官不可得問我得官胡棄之

六月繡襦綺袷黃金胄行人拍手好威儀與君談苦君
未信請君自衣還自知

其五

今我對酒哽咽不能飲諸君且為盡一觴南山耿雉入
鬼網北山甜李代桃僵直絃曲鉤那足問齊竽趙瑟不
相當少年讀書數萬字一字不入五侯七貴場孔家熙
先悔作賊三十左右尚書郎

其六

昨日罷官歸今日度關梁關吏喧呼前致詰胡不傾倒
書生囊罄折聽譏征一一為奉償僮僕面如土怨我魚
服不自量我今舍此欲何服金帶錯莫無精光諸君但
怨莫相就養難牧豕正倉忙

其七

東船少年破衣不掩脛秋風肅肅皮肉冷昨者蒲博勝
十錢從朝懽呼迫至暝西船老翁紫衣何赫奕七十懸
車二千石少兒恩請未授官日日撫髀長太息人生悲

喜寧有窮老翁冉冉向下春但令少年作老翁

其八

飲用葡萄九醞清冷之美酒焚用都梁百和旖旎之妙
香騎用金鉸流鈴躡悅之宛馬坐用垂蘇渾銀平脫之
胡牀博塲姬館使意氣東郊南陌爭輝光顧謂豎儒子
安用終日仰面看屋梁胸中貯書千萬卷兩人擔將瘞
北却

其九

爰居海上來飛至魯東門鳴鐘擊鼓奏犧尊低頭結膝
不能飲哀鳴躑躅欲有言溫沂寒泗有息壤區區飲啄
自生存女家司寇接浙就長道何不留置明堂享清廟
于嗟三卿太草草可以人而不如鳥

其十

君不見漢班姬增成避寵時團扇掩泣秋螢低銀牀象
簾一半冷綺戶寂歷流蛛絲此時飛燕在昭陽君王一
身尚不足赤鳳飛來燕侍郎十五吹簫慶安世尋常掣

履馮無方長安道上黃金偏但至西坊甲第不復前豎
儒杖頭挑一錢亦足買醉春風顛我今無言君且眠

明佐游梁無資作歌見援聊此奉復

北風吹漢銀濤顛客星夜簸不得懸自從僕被青州出
陶令囊空無一錢隕涕倉皇訣妻子行乞佯狂燕市裡
落日誰憐故貌非青雲久信雄心死吾家弱弟慚小陸
洛下東西兩間屋披肝未擬閭闔迴灑淚如添海波續
門前春雨新綠苔長安車轍無時來杜鵑吞聲鵲鵲哭

空庭寂寂荆花開
王郎昔卧平津館
裘馬春生上林晚
不合汚它丞相袂
何人更進王孫飯
月比侏儒少一囊
誰憐貧病有東方
昨夜細君應見讓
不如枚叔去游梁
慷慨相逢並羈旅
孤白何當禦君暑
亦知羊角卧空山
親在微軀未堪許

短歌答張幼于茂才

白龍宛轉逢泥淖
漁人色喜路人笑
空銜一寸明月珠
眼底無恩可相報
張生贈余瑤華篇
狂歌隕淚秋風前

何時共鼓滄波去海擊三山吞紫烟

德甫數辱解衣之惠而負約不來乃成此贈

邂逅逢君薊門市一語綈袍解相衣課兒日日掃衡門
五馬朝天不時詣乍可成都典鸛鷖誰從北海憐精衛
青門祖道自衣冠搔首何人淚暗彈讀罷殘編游俠傳
五陵霜色至今寒

長短句奉贈沂陽王子

君不見沂陽子胸中磊塊無不有鴻都十上垂白首七

尺猶沈闌間片言虛落公卿口歸來買田無負郭抱
膝哀吟動寥廓琥珀春浮大白明芙蓉日抱雙丸躍沂
陽子卓犖一丈夫何不南掃百粵北幽都虎可咀龍可
屠六翮欲奮青雲徂沂陽子咄咄勒成五千言胡為乎
長風東南來吹上鰱鯉魚兩角外銜垂流蘇中有三尺
素啟之燦爛霞文舒奕者劉生致區區道爾問訊余何
如又不見野人自蠓幾兩屐日日吳山弄秋色沂陽子
仰面看屋梁萬歲千秋更愁寂

徐子與自郡謫歸諸名士同汎石湖分韻得紙字
石湖天開鏡中水烟濤東浸吳王壘峰頭古剎接上方
松陰半落澄波裡日月浮沈總跳丸雲霞舒卷時成綺
問誰游者徐使君歸來沾沾殊自喜高第不拜潁川金
新詩空貴洛陽紙以茲五馬倦買臣欲汎扁舟隨范蠡
野夫兄弟操酒船重以吳下諸名士據石雄披萬里襟
枕流清洗千秋耳醉狂顛倒為子歌立波摧空大風起
榜人色奪催欲罷回首中原暮山紫驪龍有珠鬱未吐

夜色蒼茫暗歸艤但住十日了不妨君不見五湖已屬
王元美

林公勵志薰修七日不食走筆問之

東林公東林公禪房寂寂蒼苔空七日不受人天供出
門雙頰桃花紅我不願白牛乳迴汝黃金色亦不願一
麻復一米令汝肌膚削如腊藜羹豆飯香且圓樹影忽
過牕西偏即呼雜食吾亦可飽啜松風任意眠

徐煉師道場致雙鶴作歌贈之

何來雙白鶴口銜雙玉案
翩翾辭委羽嘹唳度銀漢
青城道士徐佐卿自言師事浮丘生
芙蓉星冠鐵如意獨呼此鶴朝天京
野夫亦有烟霄癖名姓猶然挂仙籍
欲向緱山月下游因君倘假青田翼

答李伯華文選

王子昔把青州麾牙旗甲帳爭光輝
與君快飲垂一月女郎山頭雲不飛
倉皇家難挂冠去依舊江南一布衣
世情反覆東流水選部門前亦如此
車馬新年羅烏雀

荆榛舊日皆桃李惟有鄴侯三萬編青藜熒熒夜欲燃
主人倦讀命所狎彈碁陸博謹相先小舞安花研光帽
長吟就草菖蒲箋報君此時頭欲白男兒讀書飲酒差
足適中山鑪頭千日眠不然老作君家記室死亦得

醉題曹子念壁

君家一椽如牛屋門外輪蹄宛相續老儂自好歌鷓鴣
上客時能舞鵲鵲牀頭莫問明日米盤中且辦今夜肉
我笑曹丘非長者君言王湛真癡叔丈夫有錢不解使

老向兒曹作駒犢

周脩昌自金華丞入計遷太守賦此贈別

宣州醪醕琥珀竿玉龍橋頭為君寫試問百城山海間
何如半刺風塵下仙人再見石作羊童子重迎竹為馬
唯有東陽舊日腰總是工詩不堪把

贈張伯起應試南都

見君叔夜眼已青及見元方心轉傾孤帆挂雨動秋興
為君且賦秣陵行秣陵浮雲壯北闕叢桂含香待誰發

醉艇時凌朱雀烟吟鞭緩踏長干月江頭小女字阿敷
十年工瑟還工竽一朝身在黃金屋始信紅顏與衆殊
送張幼于應試南都

楚鳥垂天翼荆璞連城珍三刑終見賞一鳴始驚人
君大白為君醉黃金漸輕士漸貴丹楊解喚孝廉船御
史難勝文學議江東才彥何紛紛自言健筆俱凌雲由
來士簡能工速莫作詞場第二勲

寄許左史兼訊西亭王孫

詞客不寂寞故人多輝光許侯自厭五馬去十年相齊
復相梁大梁夷門已非故大梁游俠猶傾慕共道青雲
公子交還誇白雪相如賦病夫偃息東山廬自言于世
無所如倘遇漢朝劉子政為求鴻寶枕中書

和徐荊州覆水歌

黃姑步頭天如赭帝遣豐隆策風馬使君蓮葉輕且柔
長年醉顛不自由須臾俯身謁河伯為言時平莫輕擲
頭毛曲跼衣作結使君莞爾岼人攝憶初三月下荊州

我寄巨扁橫江流青山百疊過一瞬飛帆逐天天欲盡
門前小港擬黃河人生咫尺饒風波安危去矣勿復道
讀君新詩為傾倒真珠錯落暝光破老鮫無聲淚潛墮
不為生犀照夜央寶藏空寒警深卧

題餐英卷贈金陵趙生

藍田老翁解種壁南海太守仍煮石爭似儂家籬落邊
長貧不乏黃金錢儂今亦號天隨子手摘此花和露餌
湘江乍可薦靈均甘谷何煩遺伯始為儂朗誦餐英辭

清波溢齒天風吹胸中秋色三萬斛底事商山尋紫芝
馬節婦吟

芙蓉作花栢作葉秋霜棲機月棲禪銀缸單照影底身
玉筯雙垂眼中血夜臺低回見君面別時蛾眉盡成雪
還君寸心如寸珠炯炯寒光猶不滅

孤鴛篇

水石齋中小池鴛鴦忽去其雌曹生子念命余
作孤鴛篇敬美當和之

摩訶池上兩鴛鴦和鳴交頸共翱翔一朝雌去不相待
却使雄栖欲斷腸不學秦家蕭史妃翻成漢代買臣妻
去似妖娼歸北里留如戍客滯遼西生計淒涼枉癡待
主人恩重心難改顧影猶疑怨耦從聞呼自愧空名在
碧荇芳萍夢已虛紅顏繡羽漸凋疎枝頭恨殺連理樹
水底生憎比目魚吳天獨鴈聲相亞臆中清淚如波寫
已令明月不成機復遣寒霜摧半瓦總為情深有別離
他生未是此生非孤魂倘傍韓馮墓依舊雙雙一處飛

為王復索贈所知因賦魚字韻嘲之

玳瑁為簪翡翠裾紅顏的皪勝芙蓉莫言天壤王郎惡
猶是風流晉代餘囊中馬肝時自拭門外羊車恣所如
儂今道汝烏亦好安用刺促悲前魚

歌贈李生還四明

茂才以俞仲蔚書至

四明少年慕狂客相逢便據侯嬴席手持俞生尺一書
顧盼自許文章伯公車再上不得收錢唐水冷芙蓉愁
為言生世無所願但願一識王青州青州濩落已如此

金魚頓擲歸田里萬事唯存物外身
空名枉挂人間齒
與君轟飲一月餘醉看東海雲霞舒
高歌未折兒黨項
謔浪翻遭時輩踈囊中有書須好戀
功名翻覆如驚電
歸路毋輕白日駒何人預曉青雲面
君不見苧羅女紅顏坐奪吳宮花
伊昔吳王未相顧日日江頭自浣紗

長歌答汪中丞伯玉

黑風吹海海怒號長鯨血牙恣所饕
閭吏百城摧欲逃
中丞氣奪霜空高一檄立掃三千艘
捷書疊飛天喜勞

裹蹄雪壓麒麟袍
瑯戈澁綠弓卧橐轅門月寒靜不囂
中丞雅志薄聲酒鄴侯萬卷時入手青藜吐烟墨花走
西京驅前建安後因之故人忽挂口使者雙魚破林藪
越絲玉寒為余壽野夫自脫朱兜鍪太湖烟波天所酬
酒船不攲任拍浮卧看日月雙浮漚公方清廟懸天球
顧我結束期扁舟公母調笑我不愁男兒七尺俱千秋
答仲蔚歲暮逢二子行同徐汝寧作

俞君頭風卧不醒乍看二子眼已青老嫗為剥錦里栗

令弟頗出樓家鯖同雲忽紫天冥冥客起欲舞主欲停
王生往事不挂口與君且談汝寧守汝寧自賣南山田
醉來新月十五弦鷓鴣半作酒胡物鷓鴣暫貨商人船
君莫為二子題詩憐坎坷千古聲名眼前過歸客何曾
怕鳳衰此公似未甘龍卧

海上行

南風海立吹鯨涎鐸稍注日日吐烟塗金組練千樓船
愕眙嘍咄誰敢前御史六傳如從天片檄萬力俄爭先

夷帆草偃無衡堅將軍獻俘血洗鋌鳴機歸杼未就田
父老猶憶當年功橫磨十萬皆軍鋒誰其察者稱司空
三載坐釀吳天紅此曹枉殺通侯封御史御史真若翁
曷不早報明光宮黃金汝魚五汝驄

虞山謠

虞山山頭日欲黃誰家健兒出南塘白幘青鞵綠沈槍
席卷百里裝舡艍客歸來坐大府前門羅榮戟後堂考
鐘復雷鼓烹肥牛湛清醑我欲言之丞卿怒

其二

西雲障天東日出安能舞風長不失鐵券自保前朝身
安能將身作後人三千健兒尺一紙倏忽隨颺逐流水
君不見一虎伏衆虎死黃頭子赤頭子汝曹膽落溫御
史

送陸君儀部起廢分賦得冶城

謝公昔未達與客登冶城一為遺世言口吻烟霞生東
山高卧三十載遠志雖饒壯心在躡屐能開大桁烟圍

基直賭秦淮塞英標爾復冠人羣強為天書辭白雲謝
公墩頭初月上千古風流併在君誰憐誓墓長耕者曾
是同游王右軍

郡丞劉公子仁以直道由諫垣外補量移吳郡署
後高齋黃菊翼之顏曰晚香亭諸生莫叔明要余
作歌

君不見陽春二三月桃花李花參差發只知穠豔媚游
蜂寧信芳菲付啼鳩八月九月露為霜金天司候律中

商此時羣榮盡搖落此際庭菊獨舒黃堂上三秀垂欲
朽握中九畹寒相負遲暮翻窺造物心衰榮豈落東君
手劉侯舊是含香客一官流擯非所惜肯將憔悴傍靈
均自有風流勝彭澤白衣贈君酒一壺亭亭秋色凌霜
孤他時再入承明地莫問玄都花有無

聞袁魯望登第志喜却寄

虎丘池頭與君別片片寒霜走鳴鋏十年仍上泣玉書
千里果至泥金帖野夫懽叫四坐聞忽憶少時慕終軍

一言唾手取青紫蹉跎歸種南山雲要知晚成差有味
男兒有才豈終棄君不見老驥剪拂時踈足長鳴裂珠
轡

再過曹甥子念飲暢作

曹生頓復益數椽門前柳色春風顛入門左顧壁四立
欲言不言但蹶然松濤驟鼓豆香發碧甌錯落真珠圓
江瑤含醉垂紫纈鱗鼻吐腴如玉船人生醉飽差快意
餘者碌碌俱可憐主人送客欲就枕東家酒胡索酒錢

安得負郭買二頃為汝種秫消殘年

題烏王啖龍圖

黑風吹海海水立琉璃宮中老龍泣此時鼓翼天闕摧
左足下蹴龍宮開海人明珠若明月願贖龍軀了無答
鼉參鼉史祈以身天厨朝鋪不爾珍老拳頓顙隆準圻
雙角拉枯血中擘敗鱗飛空空欲赤餘噫尚足呼風霆
擲火波底流金鈴宛轉骨盡神不靈我聞閻浮提三千
六百海一龍一餐八萬載須彌山傾劫福竭烏王與龍

竟誰在君不見龍兒一夢何其聰可憐宮中羣小龍金翅乃是宣城公

題獅子搏虎圖

山君夜嘯山月迷當其所遇無衡蹄何來斗尾青狻猊萬木草偃天為低兩雄相值其一雌須臾力盡氣亦奪欲竄不竄足如絀哀嘯踣地地欲裂金精淪光夜深發身作狻猊掌中血君不見赤豹慄玄熊靡狐兔走為麋鹿喜爾曹肉余行及爾風塵草昧人自奇男兒墮地須

知幾又不見李密未遇秦王時

張生歌為應和作

張公一生湖海客少年任俠章臺陌周家小史珠作歌
廣武妖姬月為色玉盤錯落奪臬飲金彈晶熒鬪難得
似留青眼俗外看肯許紅顏暗中擲歸來折節始為儒
得錢但買鄴侯書門因留客翻長掩徑惜飛花故不除
有時忽發春醪顛虎丘山頭雪放船狐裘銀榼施僧去
却借一榻雲房眠踉蹌顧撫三兒喜大者風神剪秋水

次兒霜蹄日千里小兒跳地學虎子若曹讀父書足矣
題王孟端畫竹後

老可醉吸瀟湘色吐出千枝萬枝碧彭城才守詫墨派
一掃枯篁一千尺孟端自是琅玕裔幅幅生綃露生氣
離漣殘潘若有神或穠或淡皆天真後來太常非其倫
自言遠步湖州塵但恨無過梅道人聲華積漸背時口
遺蹟飄零落余手高閣如聆鸞鳳鳴華堂瞥覩雲烟走
君不見黔寧假王金如山乞君片紙君仍慳野人手植

三萬箇落日清流相對閒

題葉母卷葉生少失母而育於庶母

零夜玄霜繡楓樹上有卑烏泣秋雨東巢伏鷄西巢乳
啄血灘涎不辭苦兒長成尾畢逋雄飛撇捩天風徂嘔
嘔啞啞歸慰烏誰言汝烏非汝雛

短歌送盛氏謁選補府掾作

盛君白皙好少年用如快鶻搏秋天貲郎業盡不得調
十載苦作吳江田昨者尚書下尺一欲請府職無剝員

長安九門色熹微青袍瘦馬受署歸仕宦豈必二千石
一官何處無光輝君不見南陽太守岑公孝弘農成瑨
但坐嘯

汾陽王單騎見番圖歌為郭都督作

中興八葉唐成王手挈太阿歸權璫是時吐蕃大披猖
河隴業已褫冠裳回紇角之蕃益張橫氊浴鐵霾大荒
其氣似欲吞秦涼令公七尺萬衆當親捧紅日騰扶桑
九花神虬超欲驤翺翺貝帶青絲韁令公眼底無豺狼

免胄微見鬚髯蒼大酋咋指小酋僵兩都香火當復長
乞公片語還羶鄉舉觴酬天天為黃馬毛蝟縮喑不揚
萬刃立捲三秋霜先聲一夜摧西羗穹廬倒卓贊普亡
俘兒解辮血洗創朔方以北仍稱唐歸來鐘鼓登明堂
二十四考黃金方臨淮愧死軍容忙田家老奴跽道傍
何來樞密開同光後人往往誇身強將軍少年鐵襖襦
連錢插羽梨花槍用如電掣星流芒巴蜚實叟黃頭郎
愛養死力同肝腸一葦坐掃千餘皇為侯此圖侯莫忘

白茅虎竹出御床還侯太尉邑汾陽

為劉侍御題清舉樓

主人高樓號清舉主人卜築今何所橋畔船歸虎丘寺
門前客散桃花塢為言塵市無所歡聊從物外得奇觀
習習蘭芝繚戶牖紛紛虹雨挂闌干倦來獨岸華陽幘
鄴侯圖書周四壁捲簾忽舒東海霞挂頰且看西山色
風前胥口幾葉帆月下吳閭一聲笛元龍之客不可留
東陽八詠誰能酬鶴背翩然別君去白雲無盡五湖秋

永嘉行贈李冲

永嘉鮑生奕者師十七人間當國手丁卯橋頭遇楊相
籍甚文章呼小友吳中好事家請謁往往巾屨羅其牖
越機阿錫秦復陶一酌叵羅併為壽其鄉李子雖後出
別有神機暗中授便付建安難甲乙

建安王休仁為
園碁大中正晚

似黃池互先後十年落魄江湖間刺上姓名垂欲朽邇
來冠蓋頗塵俗自挾朱門酒肉走野人罷鍛銅池旁落
日柴荆許君扣隱囊紗帽炯相照小簞疎簾時所有欲

行大白即苦辭鮑生昨者死以酒又言於世無所願願
得吾詩良不偶吾詩寂寂更類汝縱奇豈入時人口不
龜未免泝泝統一賭也得宣城守男兒有酒須飲甚且
着試問鮑生今在不

九華歌贈董山人浙甫

山人家傍九僊山玉華吐雲覆其顛三峰倒懸閩海日
九朵芙蓉寒插天山人不肯山中住自言妙得丹青趣
但能笈負此山圖處處芒屨踏烟霧君莫學宗少微跼

踏一室裏欲令山水響朱絃山豈真山水真水老夫肯
減謝幼輿煩君寫置丘壑軀明年婚嫁粗事了與爾扁
舟共五湖

三飲子念放歌一章

生不願作平津客但願一歲一醉曹郎席昨者飲醇兼
擊鮮自言多收十斛麥今年麥田半欲赭門前車馬渾
無色主人喚客客且休男兒有身千不憂盤龍少小擲
百萬君卿馬肯鯖五侯豫章食單闕黃頷襄陽鑪畔饒

搓頭爭泉奪雉歡未足牀底牢槽滴寒玉狂呼大白不肯辭倏忽銀燈看成綠明朝有興仍能來鷓鴣一脫寧復回卽鄆市金高北斗平原小兒安在哉

贈梁伯龍北游歌

伯龍七尺蒼髯虬菰蘆不散英雄愁慨然揖我渡江去欲捲長虹天際頭東連海岱西二華黃河一線中間流燕趙悲歌酒人得原嘗俠節眉頭識須留國士徑寸心肯博侯門萬金璧荒草猶塵碣石名浮雲立變華陽色

歸來笑謂宗少微
汝曹匏繫終何依
男兒有足不立槁
尺鷃大鵬俱飽飛

遇大雷作

去年二月驚雷發
毒虺含呀血中裂
今年二月驚雷發
高棟承雲忽摧折
莫將悲喜疑天公
野人自恨耳不聾
匡廬絕頂兒啼處
塞瑾誅茅容老翁

綠筠窩卷歌

井序

永樂間無錫華翁有綠筠窩
九龍山人王孟端

圖之一時詞筆皆知名士後失之火翁五世孫
補庵先生復創窩竹間衡山太史為續圖仍有
諸體書諸君詩於後掩映斐疊極有好致不佞
少嘗醉窩中辱小友之目今此圖與窩俱存而
先生及太史不可復作矣因賦長歌歸明伯志
余感慨明伯其實有之

華翁之窩字綠筠第云不可無此君手種淇園三萬箇
一一青含太古文龍鱗陡擘穀後雨鳳尾直破松梢雲

為君傳神者誰氏醉瀋淋漓走元氣
敲戛猶餘金石音
縱橫不見龍蛇字此君與翁俱有孫
琅玕肯讓吾家門
夾池檀欒借餘潤茂林風流依舊論
阿戎昔作童子游
把臂三日山中留卷頭雖失王大令
眼底復得文湖州
文君妙手稱三絕墨池片片墨瓊屑
已教春雪擅前賢
況是秋霜同晚節此圖再更人再徂
恍然若對黃公壚
未窮塵代滄桑事嵇阮于今不可呼

後園碁歌贈李時養

燕中國手顏子明十年坐制中原盟永嘉髯鮑故前輩
句踐自老江淮兵橘叟銜龍擘空去却墮燕中小侯里
人云兩雄不並立何得生顏復生李李郎十指如懸槌
欲入顏壘張李旗攻瑕陡合魚烏陣拾子俱成龍鳳飛
拂衣遂走東南天一枰所指前無堅三吳老將盡披靡
何況紛紛諸少年二月桃花閉門雨隱囊對君聊手語
思劇憑摧石畔柯狂來不惜山陰墅吾家積薪吾所師
安用嚮汝低頭為燕公席上間新偈敵手人人知不知

天下奕者當以顏李鮑
三人為國手餘應次論

戲成短歌調顧山人季狂

顧生慕君平九州已游七王生如少微五嶽僅識一顧
生謂王安足論七尺豈是妻兒身朝從兒耕暮妻織鴻
鵠高飛來笑人生不見軍城酒罷街鼓發獨倚營門坐
秋月賴能高詠三五篇不然一夜換汝髻邊雪

弇州四部稿卷十九